

auch Irer selbs angriffs schimpfs spots unnd andersmerglichen verathß,

Welches zu uerhutzen, ob got wil an unnsrer muglichkeit noch nit erwinden solte, auch zu Inenn als die es nitt belangte. kein andern versehens druegen, dan doch sie unns unnd sie bei wolfart zu behalten helfen Ire vermugens¹⁾ als die getrewen gut herzigigen underthanen nit minder zuzusezen geneigt sein werdenn,

Und darumb dweill es neben unns auch Inen selbs zu merglichen vorteill nutz und frommen dienen, were unnsrer ganz gnedigs gesinnnen biten unnd begern, sie wolten solch unnsrer und der landtschafften obligende not unnd erzelte²⁾ ursachen, dan wir auch Ir rechter naturlicher erbherr unnd landsfurst sie furo als bisher bei recht friede unnd gemache zu schützen und handthabenn geneigt unnd sunst bei etlich unnsrer genachburten fursten woll anders gehalten wurdet, genugsam zu gemut furen³⁾, unnd unns in diesen geschwinden sorgsamem leuffen zu abwending solcher gefarlichkeitten, auß willigem gemute ein trewe verfengliche stewr und hilf lasten. Die wir dannoch also fur genomen das sie unnsrer verhoffens leidlich unndt Inen wie sie nach gelegenheit der sachen in hohem treffenlichen Rathe bedacht und beschlossen als dan eroffnet werden solte. Wie wir dan daneben geneigt mit engem einziehen⁴⁾ unnsrer hoffstadts und ander koften so vill Iner die gelegenheit erleiden mochte, auch sunst in ander mehr weg das unnsrer gleichermaß darzu zu thun, wie sie es dann scheinlich jetzt bereit im Werck spurttenn⁵⁾.

Darzu damit nit allein sie unns die burde mit dragen helfen bei unnsrer dienern unnd andern personen was der altem herkomen noch hierzu Iner einzuziehen sein mogenn inn diesem hoch notwendigen Werck als sie spurenn wurden, auch nit umbgeen woltenn, der unzweifelichen Zuversicht, es werde diesem furstenthumb kunftig zu hoher nutzbarkeit erspriessen, wir unnd sie des obliegens dardurch zu guttem will abkomen unnd als das haubt und getrewe gehorsame underthanen nit allein desto langwieriger bei einander friede ruge unnd gemache erlangen unnd behalten mugen, sondern sie desto statlicher⁶⁾ und fridtsamer von unns beschirmpt konden werden.

1) nach ihrem Vermögen. 2) erzählte. 3) zu Gemüthe führen. 4) enger Einschränkung. 5) spürten. 6) desto statlicher.